

ახმეტის მუნიციპალიტეტის საკრებულოს

ბიუროს სხდომა

ოქმი №1

ქ. ახმეტა

5 იანვარი, 2018 წელი

თავმჯდომარეობდა:

თამარ ყვინიშვილი-ახმეტის მუნიციპალიტეტის
საკრებულოს თავმჯდომარე

ბიუროს სხდომას ესწრებოდა:

რ.ზადაკაშვილი, ა.ბუღრიძე, ა.შათირიშვილი
ა.მექვევრიშვილი, დ.იმერლიშვილი,
ბ.ჭიჭიკლიშვილი, შ.ტერტერაშვილი
ლ.ითიურიძე, თ.წითელაური

სხდომა გაიხსნა 11⁰⁰სათზე.

სხდომის თავმჯდომარე თ.ყვინიშვილმა გახსნა სხდომა და ბიუროს წევრებს გააცნო დღის
წესრიგი.

დღის წესრიგი:

1. ახმეტის მუნიციპალიტეტის მოსახლეობის სოციალური დახმარების 2018 წლის
პროგრამისა და მისი ბიუჯეტის დამტკიცების შესახებ;

/მომხსენებელი - ნათელა ექვთიმიშვილი/

2. „ახმეტის მუნიციპალიტეტის საკრებულოს თანამდებობის პირების
თანამდებობრივი სარგოს ოდენობების დამტკიცების შესახებ;

/მომხსენებელი - ლევან ითიურიძე/

3. „ახმეტის მუნიციპალიტეტის საკრებულოს საფინანსო-საბიუჯეტო საკითხთა
კომისიის პერსონალური შემადგენლობის დამტკიცების შესახებ“ ახმეტის
მუნიციპალიტეტის საკრებულოს 2017წლის 4 დეკემბრის N73 განკარგულებაში
ცვლილების შეტანის შესახებ;

/მომხსენებელი - ლევან ითიურიძე/

4. "ახმეტის მუნიციპალიტეტის საკრებულოს ეკონომიკისა და ქონების მართვის საკითხთა კომისიის პერსონალური შემადგენლობის დამტკიცების შესახებ" ახმეტის მუნიციპალიტეტის საკრებულოს 2017 წლის 4 დეკემბრის N74 განკარგულებაში ცვლილების შეტანის შესახებ;

/მომხსენებელი - ლევან ითიურიძე/

ბიუროს სხდომის თავმჯდომარემ ბიუროს წევრებს კითხვით მიმართა: დღის წესრიგის ირგვლივ რაიმე შენიშვნა ხომ არ აქვთ.

არსენ ბუღრიძემ დღის წესრიგის მე-2 საკითხთან დაკავშირებით აღნიშნა, რომ კანონში შევიდა ცვლილება. აქედან გამომდინარე საკითხი მოითხოვს სიღრმისეულ შესწავლას, რის გამოც მისი განხილვა უნდა გადარდოს.

შ.ტერტერაშვილი: კანონი გამოქვეყნდა 2017 წლის 25 დეკემბერს. ამ დროიდან ფრაქციის მოადგილის მუშაობა კანონით განსაზღვრულია. ხელფასის გაანგარიშებაც აღნიშნული თარიღიდან მოხდება. აქტი საჭიროებს სამართლებრივად დამუშავებას, რაც დროს მოითხოვს.

იურიდიულ საკითხთა კომისიის თავმჯდომარე ლევან ითიურიძემ ბიუროს წევრებს გააცნო განცხადება ფრაქციის „სამართლიანობა“ შექმნის შესახებ. წარმოადგინა ფრაქციის წესდება, პლატფორმა და სადამფუძნებლო კრების ოქმი და ითხოვა საკითხის დღის წესრიგში დამატება.

სხდომის თავმჯდომარემ კენჭი უყარა დღის წესრიგის ცვლილებას, რასაც ერთხმად დაუჭირეს მხარი.

მოსმინეს: ახმეტის მუნიციპალიტეტის მოსახლეობის სოციალური დახმარების 2018 წლის პროგრამისა და მისი ბიუჯეტის დამტკიცების შესახებ;

მომხსენებელმა გააცნო პროექტი ბიუროს დამსწრე წევრებს (განმარტებითი ბარათი თან ერთვის ოქმს).

შ.ტერტერაშვილმა ყურადღება გაამახვილა ახალშობილ ბავშვთა დახმარების მუხლზე. კერძოდ, მესამე ბავშვის შობის დროს, რომ გაჩნდეს ტყუპი, რა სახის დახმარებას მიიღებენ ისინი და ითხოვა აღნიშნული მუხლის სწორად ჩამოყალიბება.

ბიუროს სხდომის თავმჯდომარემ კენჭი უყარა საკითხის საკრებულოს სხდომაზე გატანას, რასაც ბიუროს წევრებმა ერთხმად დაუჭირეს მხარი.

მოხმინეს: „ახმეტის მუნიციპალიტეტის საკრებულოს საფინანსო-საბიუჯეტო საკითხთა კომისიის პერსონალური შემადგენლობის დამტკიცების შესახებ“ ახმეტის მუნიციპალიტეტის საკრებულოს 2017წლის 4 დეკემბრის N73 განკარგულებაში ცვლილების შეტანის შესახებ;

მომხსენებელმა გააცნო განკარგულების პროექტი ბიუროს წევრებს. საფინანსო-საბიუჯეტო კომისიის შემადგენლობაში შევიდა ცვლილება. კომისიის შემადგენლობას დაემატა ზაზა მიგრაულის ადგილმონაცვლე საკრებულოს წევრი, - გელა ხადიშვილი.

ბიუროს სხდომის თავმჯდომარემ კენჭი უყარა საკითხის საკრებულოს სხდომაზე გატანას, რასაც ერთხმად დაუჭირეს მხარი.

მოხმინეს: "ახმეტის მუნიციპალიტეტის საკრებულოს ეკონომიკისა და ქონების მართვის საკითხთა კომისიის პერსონალური შემადგენლობის დამტკიცების შესახებ" ახმეტის მუნიციპალიტეტის საკრებულოს 2017წლის 4 დეკემბრის N74 განკარგულებაში ცვლილების შეტანის შესახებ;

მომხსენებელმა ბიუროს დამსწრე წევრებს გააცნო საკრებულოს ეკონომიკისა და ქონების მართვის საკითხთა კომისიის პერსონალურ შემადგენლობაში ცვლილების შესახებ. კანონის თანახმად, საკრებულოს წევრი უნდა შედიოდეს არაუმეტეს ორი კომისიის შემადგენლობაში. აღნიშნულ კომისიას დაემატა ახალი წევრი, - გელა ხადიშვილი.

ბიუროს სხდომის თავმჯდომარემ კენჭი უყარა საკითხის საკრებულოს სხდომაზე გატანას, რასაც ბიუროს წევრებმა ერთხმად დაუჭირეს მხარი.

ბიუროს სხდომა დაიხურა 11⁵⁰ საათზე.

საკრებულოს თავმჯდომარე:

თ. ყეინიშვილი

თ.ყეინიშვილი



განმარტებითი ბარათი

დადგენილების პროექტზე: „ახმეტის მუნიციპალიტეტის მოსახლეობის სოციალური დახმარების 2018 წლის პროგრამისა და მისი ბიუჯეტის დამტკიცების შესახებ“

ა) ზოგადი ინფორმაცია ნორმატიული აქტის პროექტის შესახებ:

ა.ა) ნორმატიული აქტის პროექტის მიღების მიზეზი:

ნორმატიული აქტის პროექტის მიღება გამოწვეულია ახმეტის მუნიციპალიტეტის მოსახლეობის სოციალური დახმარების 2018 წლის პროგრამისა და მისი ბიუჯეტის მიღების აუცილებლობით.

ა.ბ) ნორმატიული აქტის პროექტის მიზანი:

ახმეტის მუნიციპალიტეტის თვითმმართველობა აუცილებელ ღონისძიებად მიიჩნევს მუნიციპალური სოციალური პროგრამის განხორციელებას, რომლის ფარგლებშიც სოციალურად დაუცველი, აგრეთვე შესაბამისი საჭიროების მქონე ფიზიკური პირები მიიღებენ ფულად და სხვა სახის დახმარებას. პროგრამის განხორციელების მიზანია საერთო სოციალური ფონის უკეთესობისკენ შეცვლა, უკიდურესად გაჭირვებული მოსახლეობის დახმარება, ბავშვთა სახლში, მცირე საოჯახო ტიპის სახლში და მინდობით აღზრდაში მყოფი ბავშვების ბიოლოგიურ ოჯახში დაბრუნების ხელშეწყობა და ბავშვის ინსტიტუციაში დაბრუნების რისკის მინიმუმამდე შემცირება, სხვადასხვა საჭიროების მქონე პირთა (დაუნის სინდრომი, აუტიზმის სპექტრი) დახმარება.

ა.გ) ნორმატიული აქტის პროექტის ძირითადი არსი:

---აღნიშნული პროგრამით კვლავ გრძელდება ჩვენი მუნიციპალიტეტის იმ მოსახლეობის დახმარება, რომელთაც აღნიშნული ესაჭიროება ჯანმრთელობის თუ ეკონომიური მდგომარეობის გამო. 2018 წლის სოც.პროგრამის ბიუჯეტი გაიზარდა და გახდა 515.400 ლარი. თანხა გადანაწილდა (გაიზარდა, შემცირდა) პრიორიტეტების მიხედვით-- რომლებზეც სტატისტიკურად უფრო მეტი საჭიროება დადგინდა განცხადებების ოდენობისა და სამიზნე ჯგუფების გათვალისწინებით.

--პირველი და მეორე ბავშვის შეძენის შემთხვევაში მოხდა დახმარების დიფერენცირება პირველ ბავშვზე 100 ლარი, მეორე ბავშვზე 200 ლარი. გაიზარდა პროგრამის ბიუჯეტი 20 000 ლარამდე;

--გაიზარდა სასურსათო პაკეტის მოცულობა მაღალმთიან რეგიონში (თუშეთი) მუდმივად მცხოვრებთათვის 50 ლარიდან 100 ლარამდე, შესაბამისად გაიზარდა პროგრამის ბიუჯეტის 3000 დან 6000 ლარამდე;

--წლევანდელი პროგრამისთვის სიახლეს წარმოადგენს აუტიზმის სპექტრის მქონე პირთა ერთჯერადი დახმარება 150 ლარის ოდენობით. დახმარების გაცემა მოხდება აუტიზმის შესახებ ცნობადობის ამაღლების საერთაშორისო დღისათვის (2 აპრილი). პროგრამის ბიუჯეტი განისაზღვრა 1500 ლარით.

ბ) ნორმატიული აქტის პროექტის ფინანსური დასაბუთება

ბ.ა) ნორმატიული აქტის პროექტის მიღება არ გამოიწვევს დამატებითი ხარჯების გაღებას ახმეტის მუნიციპალიტეტის ბიუჯეტიდან.

ბ.ბ) ნორმატიული აქტის პროექტის გავლენა ბიუჯეტის საშემოსავლო ნაწილზე

ნორმატიული აქტის პროექტის მიღება მოახდენს გავლენას **ახმეტის მუნიციპალიტეტის 2018 წლის ბიუჯეტის საშემოსავლო ნაწილზე.**

ბ.გ) ნორმატიული აქტის პროექტის გავლენა ბიუჯეტის ხარჯვით ნაწილზე

ნორმატიული აქტის პროექტის მიღება მოახდენს გავლენას ახმეტის მუნიციპალიტეტის 2018 წლის ბიუჯეტის ხარჯვით ნაწილზე.

გ) ნორმატიული აქტის პროექტის ავტორი და ინიციატორი

გ.ა) ნორმატიული აქტის პროექტის ავტორია ახმეტის მუნიციპალიტეტის მერია.